

宋史新編卷七十一

明南京戶部主事南垣柯維

曹翰

楊信

党進

李漢瓊

劉遇

李懷忠

宋信

田重進

劉廷翰

崔翰

曹翰大名人少爲郡小吏周祖以隸世宗帳下世宗鎮
澶淵署爲牙校入尹開封留翰在鎮會周祖寢疾翰不
從召歸密謂世宗曰主上不豫王爲冢嗣不侍醫藥而
決事於外廷失天下望世宗悟卽入侍以府事屬翰世
宗卽位遷至樞密承旨知雄州世宗大漸諭范質等以

王著爲相翰爲宣徽使質以著嗜酒翰飾詐而專竝寢之改德州刺史宋初累功遷蔡州團練使開寶二年從征太原復爲行營都壕砦使河決澶州翰出銀器助役沉所乘白馬以祭復決陽武再護役皆有成績征江南改行營先鋒使江州拒命屠城無噍類所略金帛以億萬計僞言欲致廬山東林寺鐵羅漢像五百頭於京師因調巨艦百艘載所得以歸錄功遷桂州觀察使判潁州太平興國中從征太原又從征幽州卒掘土得蟹於謂諸將曰蟹水物而陸居失所也且多足彼援將至况蟹者解也其班師乎已而果驗從幸大名拜威塞軍節

行判潁州復命爲幽州行營都部署詔督開南河以
漕議築大隄捍之遣徒伐巨木於漢境得數萬以濟
用訖事歸鎮在郡歲久征斂苛酷以汝陰令孫崇望訴
下詔獄上貸其死削爵流登州後起至左千牛衛上將
軍卒年六十九贈太尉優遷其四子官六子皆補殿直
翰嘗作退將詩曰曾因國難披金甲恥爲家貧賣寶刀
直禁語及之上憫其意有銀錢之賜真宗賜諡武毅翰
卒未三十年子孫流丐海上蓋陰禍云

楊信瀛州人初名義顯德中隸太祖麾下爲裨校宋初
累遷靜江軍節度開寶二年散指揮都知杜延進等將

爲不軌謀泄夜啓玄武門召信逮捕遲明十九人皆獲
歷授義成軍節度太平興國中改鎮寧軍竝領殿前都
指揮使以疾在告卒信雖瘖疾而質實自將善部分士
卒指顧申儆動有紀律有童奴困至者書掌爲字直達
其意無失未死前一日瘖疾忽愈信弟嗣替嗣以信薦
爲殿直累遷如京使嘗爲邊將知諸州軍咸有治狀後
再知保州又有戰功真宗歷拜保州團練使時楊延昭
方爲刺史嗣言嘗與延昭同官不可驟居其上乃命遷
延昭官嗣與延昭久居北邊俱以善戰聞時謂之二

保州團練都巡檢使兼保州鈐轄坐與延昭無

代還特宥其罪復以其練達邊事出歷潞州都
以左龍武大將軍致仕卒年八十一贊稍知書無異
能以兄故得掌禁旅累資朝著至牧守焉

光進馬邑人周時自軍伍累遷鐵騎都虞候宋初遷至
彰信軍節度兼侍衛步軍都指揮使開寶中征太原將
行營前軍及攻晉陽師未成列太原驍將楊業領突騎
數百來犯進奮身從數人逐業業急入湟中會援兵至
緣縋入城太祖激賞之改馬軍領鎮安軍節度太宗時
出爲忠武軍節度在鎮歲餘一日自外歸有大蛇臥榻
上寢衣中進怒烹食之遇疾卒年五十一贈侍中進彤

貌魁岸居常恂恂每懷甲冑毛髮皆豎進名進自稱曰
暉人問之則曰吾欲從吾便耳嘗受詔巡京師有畜養
禽獸者必取而縱之罵曰買肉不供父母反飼禽獸乎
太宗嘗令親吏臂鷹雛于市進亟欲放之吏曰晉王鷹
也乃戒之曰汝謹養視人傳爲笑少給事魏帥杜重威
子孫有貧困者進分俸給之士大夫或有愧焉

李漢瓊洛陽人晉由衛士爲內殿直周歷左射指揮使
宋初累遷侍衛馬軍都虞候領洮州觀察使征江南以
功領振武軍節度太平興國中出爲彰德軍節度親征
太原攻攻城都部署漢瓊先登矢集其腦併指猶力次

平改鎮州兵馬鈐轄契丹數萬騎寇中山漢
大敗之俘斬萬計加檢校太尉車駕幸大名上謁陳邊
事稱旨命爲滄州都部署以病還京卒年五十五贈中
書令漢瓊木彊使酒難近然善戰有功無子

劉遇清池人初隸周祖帳下後授控鶴副指揮使事太
祖太宗累立戰功積遷至彰信軍節度坐攻范陽失律
左授逾年復保靜軍節度幽州行營都部署護築保州
威虜靜戎平塞長城五城徙鎮滑州卒年六十六贈侍
中遇性淳謹待士有禮尤善射太宗待之厚焉

李懷忠范陽人太祖掌禁兵隸帳下累遷日騎左右廂

都指揮使初太祖征晉陽累月未下懷忠力阻班師會
盛暑戰不利懷忠中流矢戰益奮太祖幸西京愛其形
勢得天下中正將卜都諫曰東京有汴漕之利禁衛數
十萬仰給於此帑藏重兵皆在焉根本安固已久一旦
遷徙臣未見其利上嘉納之太宗卽位遷待衛步軍都
虞候領大同軍節度改步軍都指揮使卒贈侍中

朱信本溪族少勇悍善射周隸護聖軍以功遷龍捷散
都頭太祖總禁兵隸麾下得給使左右遂委心焉署牙
校及卽位歷殿前指揮使領郴州刺史太宗累遷彰化
軍節度使雍熙三年征幽薊爲幽州西北道行營馬步

都部署敗契丹于新城契丹率衆復戰王師稍却信
以麾下龍衛卒三百禦敵敵圍之數重矢下如雨會
暮信持大刀率從騎大呼殺數十人遂以百餘騎突圍
得免坐失律責授右屯衛大將軍明年復授彰武軍節
度端拱中改鎮橫海軍信不知書所爲多暴橫軍人宴
犒甚薄乃召爲右武衛上將軍旣而判左右金吾街仗
事强市人物妻死買地營葬妄發居民冢墓下御史鞠
之獄未上卒年六十七贈橫海軍節度

田重進幽州人初爲卒隸太祖麾下及受禪積功至襄
州刺史太宗錄太原功擢天德軍節度使改靜難軍河

決滑州總護其役卒塞之雍熙中北征重進率兵傅飛
狐城下擒契丹驍將大鵬翼及其監軍馬贊副將何萬
通進攻蔚州其牙校李存璋等殺酋帥率吏民來附會
曹彬之師不利乃遷定州駐泊兵馬都部署明年率師
攻下岐溝關後歷永興軍節度卒年六十九贈侍中重
進不事學太宗居藩邸時愛其忠勇嘗遺以酒炙不受
曰爲我謝晉王我知有天子爾

劉廷翰浚儀人父紹隱後唐末隸兵籍晉天福中范延
光反力戰死焉周世宗鎮澶淵廷翰隸帳下卽位累功
遷散指揮第一直都知宋初預平上黨維揚遷鐵騎

使領廉州刺史太宗時累功遷大名尹天雄軍
卒年七十贈侍中廷翰以武勇自任雖不事威嚴而
長於御下爲殿前都指揮使入朝常行衆中每歷宮殿
門少識之者郊祀恩當追封廷翰少孤其大父以上皆
不逮事忘其家諱上爲撰名親書賜之

崔翰字仲文京兆人風姿偉秀太祖見而奇之隸麾下
以功補軍使卽位遷御馬直副指揮使又領端州刺史
太宗卽位進本州團練使從征太原率先攻城流矢中
其頰神色不變督戰益急及平上將有事幽薊諸將不
敢言翰獨奏曰所當乘者勢也不可失者時也取之易

上遂定議北伐旣而班師命知定州得以便宜從事契丹寇蒲城翰會兵合擊之俘馘數萬擢武泰軍節度使初劉繼元降上令翰往撫慰俘略無得出城時秦王廷美以數十騎將冒禁出翰呵止之至是構於上明年出爲感德軍節度使後知滑州歷定國鎮安二鎮卒年六十三贈侍中翰驍勇有謀所至多立功輕財好施死之日家無餘貲

論曰太祖太宗時諸將蓋又有曹翰等十人云觀其負勇略累立戰功均爲干城之材然操行臧否亦頗可言曹翰雖貧忍心屠泚州無噍類而報及子孫米信

橫行擅掘居民冢墓竟繫詔獄以死蓋皆道家之所忌也崔翰好施甘貧二子視之有媿色然率爾伐燕之對挫國威而啓虜釁誰執其咎耶李漢瓊李懷忠劉廷翰殊無他長楊信之篤實劉遇之淳謹田重進之忠朴庶幾君子之致焉党進卽非其倫然篤於故舊不存沒易心亦可尚哉

李瓊

陳思讓

焦繼勳

陳承昭

郭瓊李萬超白重贊王仁鎬袁彥張繹等附

李瓊字子玉幽州人杖策依唐莊宗屬募勇士卽應募與周祖等十人約爲兄弟祝曰凡我十人龍蛇混合異

日富貴無相忘皆刺臂出血爲誓周祖嘗過瓊見其危
坐讀書因問何書瓊曰此闡外春秋所謂以正守國以
奇用兵較存亡治亂記賢愚成敗皆在此也周祖曰兄
當教我自是周祖出入常袖以自隨及討河中乃解瓊
兵籍令參西征軍事賊平表於朝遷至濟州刺史世宗
遷安州防禦使治郡寬簡民請立碑頌德宋初召爲太
子賓客數年上章請老改右驍衛上將軍致仕卒年七
十三贈太子少師

陳思讓字後已盧龍人父審確金州防禦使思讓初隸
唐莊宗帳下卽位補右班殿直晉天福中再遷作坊使

以討安從政功授坊州刺史改磁州衛州時武臣罕有
喪禮者思讓連丁內外艱不俟詔奔訃聞者嘉之起
復隨州刺史漢初移淄州周祖陞磁州爲團練以思讓
充使廣順元年連敗劉崇兵命權知絳州明年就遷防
禦使顯德中累爲邊將兩敗并軍遷至義成軍節度觀
察留後恭帝嗣位授廣海軍節度宋初加檢校太傅又
爲保信軍節度時皇子德昭納思讓女爲夫人開寶二
年改護國軍節度河中尹卒年七十二贈侍中思讓累
歷方鎮無敗政然酷信釋氏所至多禁屠宰奉祿悉以
飯僧人目爲陳佛子身沒家無餘財子欽祚至長州刺

史欽祚子若拙

若拙字敏之進士甲科歷鹽鐵判官遷至工部郎中與三司使陳恕不協求徙他局改主判開折司直宗北巡命李沆留守東京以若拙爲判官河決鄆州命與閻承翰往規度尋命權京東轉運使因發卒塞之又於齊州浚導水勢設巨隄於采金山奏免六州所科梢木五百萬民甚便之河平真授轉運使召還拜刑部郎中知潭州時三司使缺若拙自謂得之及是大失望因請對言親老不願遠適求納制命真宗怒謂宰相曰士子操脩必頌名實相副頗聞若拙有能幹委以藩任而貪進

如此凡用人豈以親疎爲間苟能盡其奉公有所
立何患名位之不至也乃追所授告敕黜知處州徙溫
州代還再爲鹽鐵判官出爲河東轉運使助汾陰經費
凡十萬擢右諫議大夫知永興軍府鄰郡歲饑前政拒
其市糴若拙許貿易民賴以濟又移鳳翔入拜給事中
知澶州蝗旱之餘勤于政治郡民列狀乞留卒若拙多
誕妄寡學術當時以第二人及第者爲榜眼若拙素無
之故目爲瞎榜云

焦繼勳字成績許州人少游俠以飲博爲務晉祖鎮太
原繼勳以儒服謁見晉祖與語悅之留帳下累功拜齊